

虞初志合集之六

虞初广志

上

姜泣群 辑

虞初志合集之六

虞初广志上

姜泣群编

本书根据光华编辑社一九一五年版复印

虞初广志

姜泣群辑

上海书店出版

(上海福州路401号)

新华书店上海发行所发行

上海影印厂印刷

开本787×1092毫米 1/32 印张37 1/8

1986年6月第一版 1986年6月第一次印刷

印数 00001—5000

J 154.1 全二册 定价 6.90 元

李序

姜君泣羣秉質嶽嵴抗懷邈古慨正音之淪亡悲大雅之不作爰仿虞初先例輯爲廣志諏諮博采遠徵前朝旁及近代凡朝章國故軼事異聞以及山林隱逸閨閣名媛足以諷勵人心箴砭薄俗爲當世模楷者莫不條分縷悉網羅靡遺而編輯之審慎選擇之謹嚴尤近時著作界中所僅有也研鉛握槧披卷摩編昕宵不輟寒暑兩度于甲寅歲始脫稿付梓出版而後蜚聲闥苑名重儒林而姜君虛懷若谷謙撝自持猶以初版出書忽迫搜羅懼有遺漏爰於今歲之秋詳加訂正增輯四卷重刊行世寸瑕點污一律剔除研都鍊京仿斯名

李序

二

貴異日人手一編珍同和璧風傳四海價逾南金可操券也余嘉姜君毅力之堅抉別之嚴爲書重訂之顛末于此乙卯冬初昆陵李定夷撰

楊序

夫虞初九百稗史淵源循是已還雜家雲起蟬嘶蛙噪競欲有傳雖遺事敷辭亦不乏裨益世風文教者然龐言藝作正後紛紛秘辛誌恠之籍雖以班馬之筆藻飾之欲何觀焉況下之者哉君子于斯未嘗不嘆惜正音之淪亡燕文之蠹世也況夫五車四部連屋汗牛皓首窮年難窺涯涘迺于旦夕之頃思擷芳咀華糟粕之辨又何易乎其秘鈔絕本之鷄徵者且不與焉嗚呼筆海無修類鈔靡作豈徒弋獵文史者之失所圃田亦文獻漸滅之懼也往者虞初新續志之出海內士夫珍視瑤珠璧而其選辭取事亦以精審已惜乎市朝遞嬗

文物時興于古多未備者際今有不及之憾此亦勢時所禁格又何足網羅百代而不弊哉甲寅秋余寄跡光華編輯社姜子泣羣乃重今愛古搜祕徵遺作虞初志補洋洋巨袞都十二卷凡近昔之才媛墨士可歌可泣之文章中土邊邑可愕可驚之事物鵷碑雀錄宋豔班香罔不最納茲冊薈爲大觀繼因採擇有未盡醇就商於余爰襄爲刪輯評訂并增四卷爲一十六卷如是實足以上追前哲下詔方來冠冕稗林焜耀文苑已則其傳也又僅雜述家言之行藏一世者比哉予矜其克爲文藝光旣畢其事于梓行之日重序數言以弁端首乙卯冬楚南楊南邨撰

潘序

昔湯臨川校刊虞初志張山來後輯新志鄭醒愚從而編續志類皆搜遺聞紀逸事資助掌故振發談藪故其書靡不紙貴洛陽名重鷄林夫庸行難記奇事易傳國史難知野史易得經籍典墳之流播不及稗官小說之人置一編從古如是况一代有一代之人物一時有一時之紀載網羅收拾則又後來之責也際此民國方立清史未修草野軼聞尤資采取鄧水姜君泣羣劬於編輯甲寅秋寄眎虞初志補十二卷披閱所錄較新志續志益爲大備余以時代人才各有不同無所謂補易其

名曰廣志集思廣益勵人志節不徒以異聞作說薈也但採擇未能全
愜其志恐不足爲文藝光於今春復加刪訂并增輯四卷共爲一十六
卷摘華披藻抽祕騁妍非獨爲文苑之捷徑集說林之大觀而立意醇
正取材謹嚴有功世道人心亦豈淺鮮哉乙卯秋十月潘飛聲重序於
焦山水晶庵之餐菊軒

重訂虞初廣志凡例

本書之名義

虞初周說藝文所詳自明湯若士以虞初二字名書後清初張山來之新志鄭醒愚之續志久已蜚聲說海豎幟藝林惟囿於時代格於見聞不無遺珠棄素之憾爰輯是編并名廣志其選辭取事務極精純庶無續貂之誚

本書之組織

是編原本十二卷因體例稍有不愜於是重加刪輯博采書林廣搜文府精華薈萃棄取謹嚴并增輯四卷共訂爲一十六卷

本書之取材

是編所採皆明季迄今數百年來名家紀載大半假抄藏書祕本爲多以文章豐贍事實瑰奇興味穠醇三大要點爲抉別精審之原則

本書之體例

朝有替興文有稱諱本編除訛書闕文重加校正外餘悉仍舊至於編輯體例一如新續志

本書之性質

是編治掌故歷史文藝野乘爲一爐洵小說界之精髓亦文章家之軌範也

本書之內容

是編內容上自宮闈下逮閭巷於事則朝章國典風土民情於人則忠孝義烈優異畸俠宗旨所在可分爲四縷列如下

一曰崇尚公忠

蓋明末社壩畸人烈士之多上軼前代本編所輯如●沈光祿傳●侯將軍傳●諸天佑傳●鐵腳板傳●賈義士傳●王義士傳●徐錦衣墓柱銘●書高大鎬事●李將軍全城紀略●等篇以慷慨激昂之氣發淋漓酣暢之文一腔忠孝義烈之意令人油然而生似亦有功世道維持名教之導線也

二曰振興武俠

夫日本有大和魂之徽號斯巴達有蔑士民亞之秦凱悉爲武俠之紀念立國之精神被諸歌詠傳爲美談用資激勸故其國民體魄雄健品性高尚對於國家與社會遇有患難不惜披肝擲腦赴湯蹈火以救之堅成城之衆志鞏國力於無彊本編所輯如●記客語●沙七事●喬三秀事●

聳俠小史●武義士傳●彭七事●岑太君傳●記甘鳳池●異僧普濤
●周開奇●記曹大●丐俠●金陵樵者●馬義士●秦良玉軼事●蔡
氏傳●小霸王●唐戚公黃衫客傳●等篇以雲譎波詭之文筆寫驚世
駭俗之軼聞國民觀感所及或亦足以挽末世之淺風召垂喪之英魂也
三曰覺牖民心

世界擾攘我民懵懂日從事於酣歌宴舞驕奢淫佚至於四夷乘釁搆禍
邦家恣意厲行蹂躪無既我執事置若罔聞亦弗克自砥礪嗚呼國勢凌
弱如此士風頹夷如彼大廈將傾其何以堪本編所輯如●安重根傳●
越南遺民淚談●沈寤伊傳●南渡三疑案●南北二太子事●思陵改
葬事●閩粵死事偶紀●皖髻事實●等篇文勢縱橫筆意峭厲麥秀黍
離之痛史固已昭然若揭闡揚貞英刻畫奸僞無不曲盡其致作醉生夢

死之棒喝可作亡國滅種之殷鑒亦無不可

四曰發揮情諦

萬物造化因情而生亦因情而死人爲萬物之靈情之所鍾正在吾輩况男女爲人之大欲其相悅相愛之情必較他人爲甚然而情魔易擾怨海生波其間權規威奪詐取利誘在所不免坐令青衫舊恨長此工愁紅粉飄零愴懷薄命王孫逝去難招化蝶之魂彼美情癡空灑杜鵑之血幾欲使天下有情人同聲一哭豈知情不可以一律論有至情有私情每因誤溺情天以致墮入魔道本編所輯如●一夢緣記●眉珠盒憶語●陸子鴻●鵝籠夫人傳●阿嬭●花情花理花姻緣●賣花女兒●常無咎●薛苕華●王娟相●馮彩苞●閨房紀樂●等篇其旨則磊落光明其情則纏綿悱惻或月下試劍或花間論詩真覺脂香粉膩黛痕眉波揚溢於

行間字裏多情，人共成眷屬，好兒女同慶團圓，莫非爲情界之正宗。覺迷之木鐸，足能喚醒情天孽海，中億萬數，鑠鑠鵲鵲，得登彼岸，享無窮之幸福也。

以上四例，或哀艷奇偉，或魁詭譎怪，事物物備極，諸體誠可謂鉤玄索奧，極實字之奇觀，玉帙珠篇，粹絕世之完璧者矣。

民國四年乙卯暮秋泣羣刪輯既竟，叙次如右。

重訂虞初廣志目錄

卷一

頁數

石屋丈人傳 沙定峯

壬子宮駝記 葉楚傖

二十一

記客語 汪縉

記俠客 吉樂

二十二

賈義士傳 孫變

書喬三秀事 楊用中

二十五

一夢緣記 王國梓

黃巖觀瀑記 張遠

二十七

明懿安皇后外傳 紀昀

趙孝子傳 曾衍東

二十九

二楊將軍傳 闕名

劉淑英傳 汪琬

三十四

記沙七事 陸長春

南北三疑案 錢秉鐙

三十五

傳青主軼事 闕名

南北二太子事 凌雪

四十三

吳三桂軼事 闕名

思陵改葬事 凌雪

四十八

卷二

頁數

記鄭氏 邱嘉穗

閩粵死事偶紀 錢秉鐙

五十二

一

卷三

五十五

某女士略傳 王韜

眉珠盒憶語 華鬢生

錢東平別傳 大哀

龔半倫傳 大悲

瘋十八嫗 葉楚僑

嶺左賸觚 葉楚僑

石澳風土記 菩提

梅花嶺記 全祖望

史八夫人傳 汪琬

應廷吉傳 凌雪

沈光祿傳 陳玉璫

倪文徵傳 凌雪

孫將軍傳 康乃心

諸天祐傳 王源

一 遊黃嶽記 程南園

三 卷四

十七 鵝籠夫人傳 周容

二十二 書少廷尉張公逸事 唐祖珩

二十五 陸子鴻 林琴南

二十七 南雄陋俗記 菩提

三十三 髯俠小史 胡蘊玉

三十五 陳蛻庵事別錄 傅專

三十七 褚廷瑄傳 振公

三十九 賣菜傭傳 孫靜庵

四十三 山東武義士小傳 陳代卿

四十九 權奸之凶焰 程南園

四十九 獨木舟 柴小梵

五十二 湯臨川折獄 陳小蟻

五十七

一

三

七

十三

十四

十七

二十五

二十七

二十八

三十一

三十三

三十五